

**Perwakilan Beri Mandat Kepada Najib Tentukan 'Winnable Candidate' -
Hishammuddin
Bernama
02 Disember, 2011**

KUALA LUMPUR, 2 Dis (Bernama) -- Naib Presiden Umno Datuk Seri Hishammuddin Tun Hussein berkata perwakilan telah memberikan mandat kepada Presiden parti Datuk Seri Najib Tun Razak untuk memilih 'winnable candidate' bagi parti itu, apabila mereka meluluskan ucapan dasar presiden.

"Mereka yang ada di dalam dewan (perwakilan Umno) baru memberikan mandat kepada Perdana Menteri...sekarang terpulang kepada Najib siapa calon boleh menang.

"Isu calon boleh menang untuk Umno sudah selesai," katanya kepada pemberita selepas berjumpa dengan Kelab Umno Luar Negara di luar Perhimpunan Agung Umno 2011, di sini Jumaat.

Hishammuddin berkata isunya sekarang ialah menentukan calon boleh menang bagi Barisan Nasional (BN), khususnya yang membabitkan kawasan tertentu kerana selain calon boleh menang, BN juga menekankan kerusi boleh menang.

--BERNAMA

Hakcipta © 2011 BERNAMA

Source: <http://www.bernama.com/bernama/v5/bm/newsindex.php?id=631525>